

VILLA ROMANA DE SANT'ANDRIA

Sa Villa romana in sa costera de Quartu sant' Andrea est una de is pagus testimonias de strutura de edadi imperiali pesada foras de su cuntestu urbanu in Sardigna.

Oindii, apustis de su restàuru, si podit visitai gràtzias a una pratzixedda chi nc' est asuba.

In mari, unus cantu ambientis chi no funt cullegaus funt postus in duas fileras parallellas e sa presèntzia de duus putzus de forma tunda, a una parti e a s' àtera de una spètzia de niciu, faint pensai a ambientis cun cobertura intreveraus a ambientis chentza cobertura.

Su pomentu de tellas mannas e is arrogheddus de tegulae hamatae, est a nai is matonis imperaus me in is bàngius faint pensai chi custu edifitziu teniat fintzas un' impiantu a aria callenti.

Àteras struturas, chi no nd' est abarrada sa parti de susu, ndi bessiant a pillu de s' àcua, innui sa pedra sciorrocada formàt unu fundali paris e pagu fundudu.

Candu dd' ant scobera no si funt agataus elementus chi potzant agiudai a datai sa strutura, in prus de sa tècnica murària: is murus fiant pesaus intreverendi a manera regulari matonis e pedra, una tècnica ammisturada de fàbricu, impreada in Sardigna in is sèculus III e IV apustis de gesus.

Po datai mellus sa Villa tocat a abetai stùdius nous.